



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

ODLUKA
PRIHVATANJU POKLONA I DAVANJU SAGLASNOSTI
NA UGOVOR O POKLONU SVJETLEĆE KONSTRUKCIJE
FIRME „METALLON“ d.o.o VISOKO
(Prijedlog)

Predlagač: Gradonačelnica

Obrađivač: Stručna služba za poslove kabineta
i poslove Gradske uprave

Sarajevo, maj 2024. godine

Adresa: Hamdije Kreševljakovića 3
71 000 Sarajevo
Tel.: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba



Na osnovu člana 31. i člana 76. Statuta Grada Sarajeva („Službene novine Kantona Sarajevo“, broj 7/23), Gradsko vijeće Grada Sarajeva, na __. sjednici održanoj dana __. __.2024. godine, donijelo je:

(Prijedlog)

ODLUKU
PRIHVATANJU POKLONA I DAVANJU SAGLASNOSTI
NA UGOVOR O POKLONU SVJETLEĆE KONSTRUKCIJE
FIRME „METALLON“ d.o.o VISOKO

Član 1.

(Predmet Odluke)

Gradsko vijeće Grada Sarajeva daje saglasnost na prihvatanje poklona svjetleće konstrukcije firme „METALLON“ d.o.o. Visoko iskazanu u pismu namjere protokolisano pod brojem 14-04-4216/24 od 21.05.2024. godine.

Član 2.

(Ovlaštenje za potpisivanje Ugovora)

Gradsko vijeće Grada Sarajeva daje ovlaštenje gradonačelnici Grada Sarajeva da, u ime i za račun Grada Sarajeva, potpiše Ugovor o poklonu svjetleće konstrukcije firme „METALLON“ d.o.o. Visoko, dimenzija 1500 mm sa 2678 mm, čiji je tekst sastavni dio ove odluke.

Član 3.

(Stupanje na snagu Odluke)

Ova odluka stupa na snagu narednog dana od dana objavljivanja u „Službenim novinama Kantona Sarajevo“.

PREDSJEDAVAJUĆI GRADSKOG VIJEĆA

Jasmin Ademović

Broj:
Sarajevo, __. __.2024. godine

OBRAZLOŽENJE

PRAVNI OSNOV

Pravni osnov za donošenje ove odluke sadržan je u odredbi člana 31. Statuta Grada Sarajeva („Službene novine Kantona Sarajevo”, broj 7/23) kojim je propisano da Gradsko Vijeće Grada Sarajeva donosi odluke, druge propise i opće akte i daje njihovo tumačenje, te je nadležno za upravljanje i raspolaganje imovinom Grada Sarajeva. Pravni osnov je sadržan i u članu 76. Statuta Grada Sarajeva kojim je propisano da imovinu Grada Sarajeva čine pokretna i nepokretna imovina, da je nosilac prava raspolaganja imovinom Grada Sarajeva Gradsko Vijeće Grada Sarajeva, te da imovinom Grada Sarajeva upravlja Gradsko Vijeće Grada Sarajeva, u skladu sa zakonom i drugim propisima, te u interesu lokalnog stanovništva s pažnjom dobrog domaćina.

RAZLOZI DONOŠENJA

Firma „METALLON“ d.o.o. Visoko obratila se pismom namjere Gradu Sarajevu, protokolisanim pod brojem 14-04-4216/24 od 21.05.2024. godine, sa namjerom da Gradu Sarajevu pokloni svjetleću konstrukciju, dimenzija 1500 mm sa 2678 mm, koja bi doprinijela ljepšem ambijentu i širenju pozitivne energije, istovremeno predstavljajući Sarajevo na jedinstven način.

Ova svjetleća konstrukcija će biti trajni poklon gradu Sarajevu, simbolizirajući posvećenost unaprijeđenju ljepote i kulture življenja u Sarajevu.

Kao dio donacije, firma „METALLON“ d.o.o. Visoko će obezbijediti svu potrebnu podršku za instalaciju i održavanje navedene konstrukcije. Grad Sarajevo će imati potpunu slobodu u odabiru lokacije gdje će konstrukcija biti postavljena.

Vrijednost navedene donacije iznosi 19.750 KM + PDV, za koju troškove u cijelosti preuzima firma „METALLON“ d.o.o. Visoko te daje garanciju 24 mjeseca na ispravnost.

Na tekst prijedloga Odluke o davanju saglasnosti na Ugovor o poklonu svjetleće konstrukcije firme „METALLON“ d.o.o. Visoko, pribavljeno je mišljenje Pravobranilaštva Grada Sarajeva, broj 01-08-M-71/24 od 27.05.2024. godine.

U nadi da će ova svjetleća konstrukcija postati neizostavan dio turističke ponude grada Sarajeva, te da će dodatno unaprijediti njegovu reputaciju kao jedne od najljepših destinacija u regionu, predlaže se Gradskom vijeću Grada Sarajeva donošenje ove odluke.

FINANSIJSKA SREDSTVA

Za realizaciju ove odluke obezbijedena su potrebna finansijska sredstva u Budžetu Grada Sarajeva za 2024. godinu na poziciji 821200 – spomenici.

UGOVOR
o poklonu svjetleće konstrukcije firme „METALLON“ d.o.o. Visoko

Zaključen između ugovornih strana:

1. **„METALLON“ d.o.o. Visoko**, ulica Kadije Uvejsa bb, 71 300 Visoko, kojeg zastupa Kenan Agić, direktor (u daljnjem tekstu: Poklonodavac)
2. **GRAD SARAJEVO**, ulica Hamdije Kreševljakovića 3, Sarajevo, kojeg zastupa gradonačelnica Grada Sarajeva prof. dr. Benjamina Karić (u daljnjem tekstu: Poklonoprimac)

Član 1.

Predmet ovog ugovora je poklon svjetleće konstrukcije firme „METALLON“ d.o.o. Visoko, dimenzija 1500 mm sa 2678 mm, a u skladu sa Odlukom Gradskog vijeća Grada Sarajevo o davanju saglasnosti na Ugovor o poklonu svjetleće konstrukcije firme „METALLON“ d.o.o. Visoko broj i datum __. __.2024. godine („Službene novine Kantona Sarajevo, broj).

Član 2.

Poklonodavac je vlasnik svjetleće konstrukcije čije se fotografije nalaze u prilogu Ugovora i čini sastavni dio istog, a koje kao izraz prijateljstva, bez ikakve naknade ili tereta, poklanja Poklonoprimcu.

Član 3.

Poklonoprimac prihvata predmet ugovora iz člana 1. ovog ugovora i saglasan je da od Poklonodavca primi u vlasništvo i posjed svjetleću konstrukciju po osnovu poklona, te iste evidentira u svojoj popisnoj evidenciji. Vrijednost predmetne donacije iznosi 19.750,00 KM + PDV, uz garanciju od 24 mjeseca na ispravnost.

O izvršenoj primopredaji bit će sačinjen poseban zapisnik putem ovlaštene službene osobe ispred Stručne službe za poslove kabineta i poslove Gradske uprave.

Član 4.

Grad Sarajevo će, nakon stupanja na snagu Odluke o davanju saglasnosti na Ugovor o poklonu svjetleće konstrukcije, ishodovati sve potrebne dozvole za instalaciju iste na lokaciji po odabiru Poklonoprimca.

Član 5.

Eventualne troškove u vezi transporta i potrebnu podršku za instalaciju svjetleće konstrukcije snosi Poklonodavac, dok Grad Sarajevo snosi troškove ishodovanja odobrenja za postavljenje.

Član 6.

Predmetni Ugovor je izraz slobodne volje ugovornih strana, sačinjen u skladu sa Odlukom iz člana 1. ovog ugovora.

Ugovor je sačinjen u obostranom interesu, bez prevarnih radnji, prinude, prijetnje i zablude pa ga kao takvog ugovorne strane saglasno potpisuju.

Član 7.

Na odnose između ugovornih strana koji nisu regulirani ovim ugovorom, primjenjuju se odredbe Zakona o obligacionim odnosima.

Član 8.

U slučaju spora po ovom ugovoru, ugovorne strane nastojat će isti sporazumno riješiti, u protivnom saglasne su da prihvataju nadležnost suda u Sarajevu.

Član 9.

Ovaj ugovor stupa na snagu danom potpisivanja obje ugovorne strane.

Član 10.

Ugovor je sačinjen u četiri (4) istovjetna primjerka, od kojih Poklonoprimac zadržava tri (3), a Poklonodavac jedan (1).

**POKLONODAVAC
„METALLON“ d.o.o. Visoko
DIREKTOR**

Kenan Agić

**POKLONOPRIMAC
GRAD SARAJEVO
GRADONAČELNICA**

Prof. dr. Benjamina Karić

Broj:
Sarajevo, __. __. 2024. godine

Broj: 01/14-04-4216-1/24
Sarajevo, __. __. 2024. godine